



AFRIKA

ARLOA: Musika

MAILA: Lehen Hezkuntzako 1, 2 eta 3 mailak

DENBORALIZAZIOA: 7 ordu, 30 minutu

HELBURU OROKORRAK

- Euskarazko IKT baliabideei esker, ikasleen konpetentzia musikala garatzea.
- Herrialde ezberdinetako kultura ezagutzea.

HELBURU ZEHATZAK

- Afrikako dantzak, abestiak, berezitasunak eta bitxikeriak ikastea.
- Berdinen arteko komunikazioa bultzatzea.
- Aurkezpen-gaitasunak garatzea.
- Taldeko lana sustatu eta jorratzea.

JARDUEREN SEKUENTZIA

A) HASIERA FASEA

1. JARDUERA: Kontinentea ezagutzen

B) GARAPEN FASEA

2. JARDUERA: Herrialdeak ezagutzen
3. JARDUERA: Senegal
4. JARDUERA: Ghana
5. JARDUERA: Hegoafrika
6. JARDUERA: Benin
7. JARDUERA: Zambia

C) AMAIERA FASEA

8. JARDUERA



A) HASIERA FASEA

1. JARDUERA: Kontinentea ezagutzen

Denbormalizazioa	45 minutu
Materiala	Arbela, idazteko materiala (boligrafoa, papera, ordenagailua...), informazioa bilatzeko materiala (liburuak, entziklopedia, interneteko sarbidea duen ordenagailua...)
Helburuak	<ul style="list-style-type: none">• Landuko duten kontinentea ezagutzea.

Hasierako fase honetan, landuko duten kontinentea ezagutuko dute ikasleek. Hasteko eta behin, ikasle bakoitzak Afrikari buruz dakiena kontatuko du, izan bertan egon delako, interesatzen zaiolako, nonbaiten entzun duelako, pelikula batean ikusi duelako edo dena delakoa. Kontakizun guztiak izango dira baliozkoak.

Ondoren, ikasleak binaka jarriko dira eta galdera batzuk erantzun beharko dituzte Afrikari buruz, eta amaitzeko, landuko diren herrialdeak mapan kokatu beharko dituzte. Azken ariketa hau binaka egin daiteke edo arbel digitala baldin badaukazue, denon artean egin dezakezue ariketa.

B) GARAPEN FASEA

2. JARDUERA: Herrialdeak ezagutzen

Denbormalizazioa	Ordu bat
Materiala	Arbela, idazteko materiala (boligrafoa, papera, ordenagailua...), informazioa bilatzeko materiala (liburuak, entziklopedia, interneteko sarbidea duen ordenagailua...)
Helburuak	<ul style="list-style-type: none">• Landuko dituzten herrialdeei buruz informazioa eskuratzea.• Egokitutako herrialdeari buruz aurkezpena egitea.

Jarduera honetan, berriz, talde txikitik jarriko dira ikasleak eta talde bakoitzari herrialde bat esleitu zaio. Ondoren, talde hauetako bakoitzak dagokion herrialdeari buruzko honako informazio hau bilatu beharko du gutxienez:

- Non dago kokatuta?
- Nola izena du bere kostak?
- Zenbat biztanle ditu?
- Zein dira jaki ohikoenak?



Galdera gehiago erantzuteko askatasuna emango zaie ikasleei. Ondoren, berriro taldekatzeak egingo dira, horrela, talde bakoitzean herrialde bakoitzeko pertsona bat egongo da gainontzekoei herrialdea aurkeztu ahal izateko.

3. JARDUERA: Senegal

Denbormalizazioa	Ordu bat
Materiala	Abestia ikasteko bideoa
Helburuak	<ul style="list-style-type: none">• Herrialdeko dantza ikatea.

Landuko den lehen herrialdea Senegal izango da, kultura aberatseko herrialdea. Bertan, Fatou yo abestia landuko dute, abesti honek esaten du zoriontsua dela protagonista, eta gainontzeko izaki bizidunak bezala haziko dela bera ere.

Abesti honek dantza eder bat du, eta ikasleek hauxe ikasi beharko dute. Hiru zatitan banatzen da dantza eta bideoan erakusten da nola egiten den.

4. JARDUERA: Ghana

Denbormalizazioa	Ordu bat
Materiala	Kanonaren aurkezpena, abestia ikasteko bideoa
Helburuak	<ul style="list-style-type: none">• Kanon bat egiten ikatea• Gorputz perkusioaren bidez abestia laguntzea

Ghana, bertako fauna eta florarengatik ezaguna den herrialdea da, eta Tue Tue abestia ezaguna da herrialde eder honetan. Moldaketa asko ditu abestiak, baina kasu honetan kanon bidez egingo dugu gorputz perkusioak lagunduta. Kanona bi taldetan egitea proposatzen da baina hiru taldetan ere egin daiteke.



5. JARDUERA: Hegoafrika

Denbormalizazioa	Ordu bat
Materiala	Instrumentuak (klabeak, triangelua, panderoa, marakak...), abestia ikasteko bideoa
Helburuak	<ul style="list-style-type: none">• Euri makila egitea.• Herrialdeko dantza ikastea.

Hegoafrikara joango gara oraingoan, Afrikako beheko puntaraino. bertakoa da Master KG abeslaria. Behar bada, horrela esanda ez zaizue ezaguna egingo, baina Jerusalem abestiaren egilea dela esaten badizuet? Horrela bai?

Herrialde honetako lanketa egiteko gure eskuak, gorputza edo instrumentuak erabili beharko ditugu eta elkarrekin banda polit bat osatu beharko duzue.

6. JARDUERA: Benin

Denbormalizazioa	Ordu bat
Materiala	Abestia ikasteko bideoa
Helburuak	<ul style="list-style-type: none">• Abesterakoan arnasaren kontrola garatzea.• Beningo abestia ikastea.

Benin-en izen ofiziala Beningo Errepublikak (frantsesez: République du Bénin) mendebaldeko Afrikako estatu burujabea da. Mendebaldean Togo du, Nigeria ekialdean, Burkina Faso eta Niger iparraldean eta Ozeano Atlantikoa hegoaldean. Lotarako abesti baten erritmoa ezagutuko dute herrialde honetan. Abesti goxoa da, eta horrela abesten ikasi beharko dute ikasleek.

7. JARDUERA: Zambia

Denbormalizazioa	Ordu bat
Materiala	Abestia ikasteko bideoa
Helburuak	<ul style="list-style-type: none">• Zambiako abestia ikastea.• Abestiaren dantza ikastea.



Afrikako ekialdeko kostaldetik barrura sartuta zambia aurkituko dugu. Bertako Bonse Aba abestu eta dantzatuko dute ikasleek, Bemba izeneko hizkuntzan, Zambiano 72 hizkuntzetako batean.

C) AMAIERA FASEA

8. JARDUERA

Denboralizazioa	45 minutu
Materiala	Arbela, idazteko materiala (boligrafoa, papera, ordenagailua...), informazioa bilatzeko materiala (liburuak, entziklopedia, interneteko sarbidea duen ordenagailua...)
Helburuak	<ul style="list-style-type: none">• Ahozkoatasuna garatzea.• Herrialde ezberdinak ezagutzea.

Azken ariketa honen bidez, kontinente honetan landu diren herrialdeetatik gehiena zein gustatu zaien herrialdea aukeratzeko eta honen arrazoia emateko eskatuko zaio ikasle bakoitzari. Hau, talde handian egingo dute, iritziak partekatzeko eta baita ahozkoatasuna lantzeko ere. Ondoren, ezagutzea gustatuko litzaieken leku bati buruzko informazioa aurkitu beharko du ikasle bakoitzak. Horretarako, ondorengo galde hauez osatutako gidalerroa eskainiko zaie:

- Non dago kokatuta?
- Kostarik ba al du?
- Zergatik ezagutu nahi duzu?

Ondoren, binaka jarriko dira eta elkarri aukeratutako herrialdea aurkeztuko dio.